

krefjast yfirmats, en gera skal það áður en einn mánuður er liðinn frá því að matsgerð er lokið. Yfirmat skal framkvæmt af þrem dómkvöddum mönnum. Kostnaðinn við yfirmat greiðir sá sem krafðist yfirmats, ef það gengur honum ekki í vil.

- 19.2 Nú veldur skip skemmdum í höfninni eða skipstjóri verður brotlegur við ákvæði reglugerðar þessarar og er þá óheimilt að flytja skipið úr höfninni fyrr en málið er útkljáð, nema fullnægjandi trygging sé sett fyrir greiðslu að dómi hafnarstjóra. Bótakröfum hafnarsjóðs fylgir lögtaksréttur sbr. 38. gr. hafnalaga.

20. gr.

Brot, sektarákvæði og meðferð mála.

- 20.1 Brot gegn reglugerð þessari varða sektum nema þyngri refsing liggji við samkvæmt almennum lögum. Sektirnar renna í hafnarsjóð Ólafsvíkur. Til tryggingar sektum og vangoldnum gjöldum má leita kyrretningar sbr. 39. gr. hafnalaga.
- 20.2 Með mál út af brotum á reglugerð þessari skal fara að hætti opinberra mála. Reglugerð þessi, sem sett er samkvæmt hafnalögum nr. 69, 28. maí 1984, staðfestist hér með til að öðlast þegar gildi og birtist til eftirbreytni öllum þeim sem hlut eiga að máli. Jafnframt fellur úr gildi hafnarreglugerð fyrir Ólafsvíkurkaupútn nr. 47/1970, ásamt breytingu nr. 111/1975.

Samgönguráðuneytið, 15. ágúst 1989.

Steingrímur J. Sigfússon.

Helgi Jóhannesson.

SKIPULAGSSKRÁ

fyrir Nemendagarða búvísindaeildar á Hvanneyri.

Bændaskólinn á Hvanneyri, Nemendasamband búvísindaeildar og félag nemenda í búvísindaeild komu í nóvember 1986 á fót stofnun, til að standa að byggingu og rekstri íbúða fyrir nemendur búvísindaeildar við Bændaskólann á Hvanneyri. Í framhaldi af því settu þessir aðilar stofnuninni eftirfarandi skipulagsskrá.

1. gr.

Stofnunin er sjálfseignarstofnun og heitir Nemendagarðar búvísindaeildar á Hvanneyri í Andakílshreppi, Borgarfjarðarsýslu.

2. gr.

Markmið stofnunarinnar er bygging og rekstur íbúða fyrir nemendur búvísindaeildar Bændaskólans á Hvanneyri.

3. gr.

Stofnframlög eru sem hér segir:

Bændaskólinn á Hvanneyri	kr. 100 000,00
Nemendasamband búvísindaeildar	kr. 12 500,00
Félag nemenda í búvísindaeild	kr. 12 500,00

4. gr.

Stofnunin ber ábyrgð á skuldbindingum sínum með stofnfé og þeim eignum, sem hún kann að fá að gjöf eða eignast með öðrum hætti. Stofnendur bera engar fjárhagslegar skuldbindingar vegna sjálfseignarstofnunarinnar, aðrar en vegna stofnfjárloforða skv. 3. gr.

5. gr.

Eigi má selja eða láta af hendi stofnunina né eignir hennar, fastar eða lausar, nema samkvæmt ákvæðum 9. og 15. gr.

Eigi má heldur binda fé hennar eða eignir neinum veðböndum eða skuldbindingum, sem óviðkomandi eru tilgangi hennar, sbr. þó 9. gr.

6. gr.

Tekjur stofnunarinnar eru:

1. Framlög og gjafir einstaklinga og stofnana.
2. 20% af skólagjöldum nemenda við búvísindadeild Bændaskólans á Hvanneyri.
3. Leigutekjur af eignum stofnunarinnar.
4. Aðrar tekjur sem stofnuninni kunna að áskotnast.

7. gr.

Aðilar að stofnuninni tilnefna í fulltrúaráð stofnunarinnar til þriggja ára sem hér segir: Bændaskólinn á Hvanneyri þrjá fulltrúa, Félag nemenda í búvísindadeild tvo fulltrúa og Nemendasamband búvísindadeildar tvo fulltrúa.

Fulltrúaráð kýs þrjá menn í stjórn til þriggja ár og skiptir hún sjálf með sér verkum. Forfallist fulltrúarráðsmaður og/eða stjórnarmaður skal nýr maður kosinn í hans stað. Gjörðarbók skal halda um alla fundi fulltrúarráðs og stjórnar.

8. gr.

Fulltrúarráð setur reglur um starfsemi stofnunarinnar.

9. gr.

Stjórnin hefur almenna umsjón með rekstri og fjárhag stofnunarinnar og ber ábyrgð á daglegum rekstri hennar.

Stjórn er ekki heimilt að taka lán eða binda stofnunina skuldbindingum nema með samþykki fulltrúarráðsins. Slíkar heimildir þarf að samþykkja með $\frac{2}{3}$ hlutum atkvæða.

10. gr.

Reikningsár stofnunarinnar er almanaksárið. Reikningar skulu sendir ríkisendurskoðun og landbúnaðarráðherra, er þeir hafa hlotið samþykki stjórnarinnar.

11. gr.

Aðalfundur stofnunarinnar skal haldinn fyrir 1. maí ár hvert og er hann lögmætur ef $\frac{2}{3}$ fulltrúarráðs hið fæsta er á fundi. Til aðalfundar skal boða bréflega með hálfmánaðar fyrirvara hið skemmsta.

12. gr.

Dagskrá aðalfundar skal vera þessi:

1. Tilkynning um tilnefningu fulltrúarráðsmanna.
2. Kosningar.
3. Tillögur til breytingar á skipulagsskrá, ef fram koma.
4. Önnur mál.

13. gr.

Stjórn stofnunarinnar getur boðað til fundar með aðilum fulltrúaráðsins, þegar hún telur þurfa.

14. gr.

Til allra funda skal boða bréflaga með viku fyrirvara, sbr. þó 11. gr.

15. gr.

Sé ákveðið að leggja stofnunina niður, skulu eignir hennar renna til hliðstæðra verkefna og segir í 2. gr. eftir nánari ákvörðun fulltrúaráðs. Eigi má slíta stofnuninni nema tveir fundir fulltrúaráðs í röð samþykki það með a.m.k. $\frac{3}{4}$ hlutum atkvæða.

16. gr.

Tillögur um breytingar á skipulagsskrá þessari ná fram að ganga hljóti þær fylgi $\frac{3}{4}$ hluta atkvæða fulltrúaráðs. Tillögur um breytingar á skipulagsskrá skal kynna í fundarboði.

17. gr.

Leita skal staðfestingar dómsmálaráðherra á skipulagsskrá þessari.

Skipulagsskrá þessi staðfestist hér með samkvæmt lögum um sjóði og stofnanir, sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytið, 21. ágúst 1989.

F. h. r.
Jón Thors.

Margrét Hauksdóttir.

REGLUGERÐ

um sölu og veitingar áfengis.

1. gr.

Um sölu áfengis frá Áfengis- og tóbaksverslun ríkisins og útsölustöðum hennar fer eftir þeim reglum sem nánar eru ákveðnar í reglugerð þessari og gildandi lögum.

2. gr.

Áfengis- og tóbaksverslun ríkisins er auk þess sem hún selur áfengi í útsölustöðum sínum heimilt að selja það frá aðalstöðvum sínum þeim sem hér segir:

1. Veitingastöðum er heimild hafa öðlast til veitinga áfengra drykkja og kaupendum er fá pantanir sínar sendar með pósti.
2. Læknum sem rétt hafa til lyfjasölu og lyfsölum, þó aðeins það áfengi sem talið er í lyfjaskrá, og aðeins til lyfja, og í samræmi við reglugerð skv. 2. mgr. 1. tölul. 11. gr. áfengislaganna.
3. Þeim sem rétt hafa til þess að fá keyptan vínanda til iðnþarfa, efnarannsóknna, náttúru-gripasafna og annarra verklegra nota, svo og þeim sem rétt hafa til sölu vínanda til